

www.BibleForChildren.org

Matthew 26



Olo fe
atoa gi 'i
laoala Fanana
ala Daofae Liu na
li, Jesus failia wale
li galona lia gi dauulu oli
lou fala 'i Betani, mae falua
Lasaros ba Jesus 'e faamauria
faasia maena li. Ma Mary
ka sakea mae te be
waiwai gera soia 'alia
"nad," folinai 'e ba'ela rasua.



Mary ka
sakea mae ka
nikia 'i fofola
'aela Jesus fala
faa 'ilitoanala. Sui
Mary ka 'usua 'aela
Jesus 'alia ifula. Ma talasi
fo, luma fo ka fonu 'alia
si'ina fofo nala waiwai
'oka fo.



Sui Judas Iskariot, na wale ala akwala wala rua
waleli galona ba lia gi, ka la 'i soela fata abu ba'ela
gi, ka faarono 'uri 'e adaulu,
"Lakae kwatea Jesus famoulu."



Ma gera ka babalafe rasua sulia me 'are fo 'e
ilia 'urifo ai, ma gera ka alafuu 'ali gera kwate
bata fala. Ma Judas ka fuli'ae lo
fala lio na 'afia ta me talasi
'oka fala kwatenala
Jesus fadaulu.




Ala talasi fo, wale li galona gi
gera la, ma geraka alaa failia
wale fo malaa lo lia ba Jesus 'e
ilia lo fadaulu, ma daulu ka rerei lo
'alia fanana fo 'i lifi fo. Ma ala
talasi daulu kae fana, Jesus ka
sakea tofui berete, ma ka batafea
God, sui ka liia, ma ka kwatea fala
wale li galona lia gi, ma ka
sae 'uri 'e,
"Moulu sakea,
ma moulu ka
'ania, lia lo 'e
rabegu."




Sui ka sakea teu li gou, ma ka
batafea God, sui ka kwatea
fadaulu, ma ka sae 'uri 'e,
"Amoulu sui, moulu goufia. Lia lo
'e 'abugu lia God 'e fanasia 'alia
alafuuna fa'alu, sulia 'abugu kae
afe fala ioli afula gi, 'ali God ka
kwailufa lo 'alia ta'ana gi."



Sui Jesus ka sae 'uri 'e fala Peter, "Simon Peter! 'O fafurono ga. God 'e ala'alia Saetan, 'ali kae mailia 'ali kae tagalae 'amoulu sui faasi lau, malaa wale 'e galo 'i laola raku fala 'efonala fufuae 'are 'oka gi li faasia taetae 'are ta'a gi. Ka 'urifo wasua 'ala Simon, lau foa famu, 'ali ikoso oli fae buri ala fitoona 'o. Ma ala talasi 'o malata oli lou mae tonagu ko fananata ioli gera fakwalaimoki agu gi."



Ma Peter ka olisi 'uri 'e ala, "Aofia, lau kwaimamali mola 'agua fala laa na fae 'o 'i laola raraa li, ma fala maena fae 'o!" Ma Jesus ka olisia 'uri 'e, "Peter, laka ilia famu, 'i laola fe boni 'e tara'ela, 'i lao ala karai kae ani, koe tofe olu talasi 'uri iko 'ali 'o sai agu."



Sui Jesus ka la failia wale li galona lia gi ala te lifi gera soia 'alia 'i Getsemani, ma ka sae 'uri 'e fadaulu, "Moulu io 'amoulu 'i lifi'e talasi lakae la 'i lokoo 'ali lau foa." Ma ka foa 'uri 'e, "Mama, 'are gi sui 'e talawarau famu. 'O sakea famalifiina 'e faasi lau. Wasua, 'e iko lou kwaiogalina lau, ma sulia kwaiogalina 'o 'ala."



Lia fo Judas ka talaia ko wale li ofona faasia Rom gi failia wale gera lio folo galia Luma Abu God gi li. Fata abu ba'ela gi, failia Farasi gi gera kerida ko. Wale fo gera la mae gi, gera dau ala ulu gi, failia 'are fala kwalaana gi li. Ma na wale adaulu, ka kwaia te wale li galona 'ilito'ola fata abu, ma ka tofu tabia lo gula anina aolo ala. Mola Jesus ka sae 'uri 'e, "Mano lo 'urila!" Ma ka dau tonala aninala wale fo, ma ka guraa lo.



Sui gera ka daua lo Jesus, ma gera ka talaia lo 'i
laola luma 'ilito'ola fata abu. Ma Peter ka liu lo mae
'i burida ala na tofui tala 'e tatau lou faasida.

Ma te dunaa gera
galofia 'i matanala gula
abitakwa 'i laola labata
ala luma li, ma Peter
ka gwauru 'ala
failia ioli gera
gwauru galia
dunaa fo li.



Ma te wale ala wale li
galona 'ilito'ola fata
abu ka io lou 'i lififo.
Wale fo 'i lia walefae
wale li galona ba Peter
'e tofu mousia aninala,
ma ka sae 'uri 'e, "'Eo!
Talasi ba gera daua Jesus
'i laola raku ba li, lau leesi 'o
failia." Ma Peter ka sae 'uri 'e,
"Iko! Iko lou 'i lau ba." Ala talasi
fo mola karai ka ani lo. Ma Peter ka
latafa, ma ka ani 'ilu'ilu lo 'alia
kwaimalataina ba'ela rasua.




Ma logonae wale etaeta fo sui, gera tatae, ma gera ka talaia Jesus 'i so'ela Paelat fala lokokwaikwaina ala. Ma Paelat ka soilidia 'uri 'e, "'Uri'e ma 'i'o lo walelitalona ioli Jiu gi li, ne?" Ma Jesus ka olisia 'uri 'e, "Lia la 'o iilia lo."



Paelat 'e oga ka lugasia Jesus, ma
ka soilidia lou logona fo. Ma gera ka
galo 'ala akwana ma gera ka rii 'uri
'e, "Moulu raunia ka mae! 'Amu ka
fotoia ala 'ai rara folo!"



Ma Paelat ka kwatea Jesus
fala wale li ofona gi, 'ali geraka
fotoia ala 'ai rara folo. Ma
gera ka talaia lo ko Jesus. Ma
ka la ka awailia 'ai rara folo lia
'i talala fala lifi la gera soia
'alia 'i Golgota ala saena
Hebru. (Fadanala rataala lifi fo
"Tali Gwae Ioli.")



'I lififo gera ka fotoia ala 'ai rara folo.
Ma rua wale gi lou gera fotoida 'i lififo,
na teke wale ala gula mauli ma na
wale ala gula aolo, ma gera
ka fotoia Jesus
ala 'ai rara
folo 'e ura
'i matanadaroa.



Ma to'omi ba'ela 'e bolosia lifi abu 'i laola Luma Abu
God li ka gaga 'alia rua abae 'are gi. Ma Jesus ka
akwa ba'ela 'uri 'e, "Mama, lau kwatea lo ko manogu
famu." 'E sae 'urifo ka sui mola, ka
mae lo.



'E raurafi, Josef, wale faasia falua
'i Arimetea, 'e la mae. 'I lia
wale 'ilitoa lou ala
gwaurunae wale 'ilitoa
fala Jiu gi li. Alae wale
daulu kae faifaimaasi
fali lesia talasi God
kae 'ilitoa fafia
ioli lia gi li.

Lia 'e too oga,
ma ka la 'i so'ela
Paelat. Ma ka
sugaa fala rabela
Jesus, sulia fe
atoa fo atoa ala
rerei na masia
Sabat, atoa ala
mamalona li.



Josef ka folia te ruu kaka'a,
ma ka fasifoa rabela Jesus, ma
ka 'afua 'alia ruu fo, ma ka
alua 'i laola bao la gera
'elia 'i laola te fau. Sui
ka gwelusia te abae
fau ba'ela, ma ka
bolosia lo maala
bao fo.



Ma ala fe atoa 'i burila Sabat, atoa
ala mamalona li, fata abu
ba'ela gi, failia Farasi
gi, gera logo fala
lokomalata na failia
Paelat.



Ma gera ka sae 'uri 'e fala, "Wale
ba'ela, meulu malata
tonala talasi wale
kotokoto 'e 'e mauri
'ua ai, 'e sae 'uri 'e,
'Lakae mauri lou ala
olula fe atoa!"



“Ma ala talasi fata abu ba'ela gi,
failia Farasi gi gera ronoa me
'are fo li, gera ka rerei
lo, ma gera ka la lo fala
bao fo.”



“Ma talasi gera dao ala bao fo li,
gera ka alua lo maetoto ala bao
fo, 'ali ala ta ioli ka
'idua wasua abae fau
fo 'i maala bao fo li,
gera kae saiai. Ala
talasi fo lou, gera
ka alua lo wale lio
folo gi 'i lifi fo.”



'I burila Sabat, fe atoa ala
mamalona li, talasi 'e gogolafae
ioli 'ua ala Sade 'ofaedani,
Mary faasia 'i Magdala,
ma na Mary lou, daro
ka la fala bao ba 'ali
daro lesia.



Ma lululu ba'ela 'e 'asu, ma te
eniselo God ka sifo mae faasia
'i nali, ma ka 'idua lo abae
fau ba faasia maala bao
fo, ma ka gwauru 'i
fofola. Ma ala talasi
fo wale lio folo gi
gera lesia, gera
ka mau

rasua, ma gera
ka toli, gera ka
lebelebe, ma
gera ka malaa
lo 'ada wale
mae gi.



Ma eniselo fo ka sae 'uri 'e fadaroa,
"Mora ala mau na. Lau saiai mora
lio 'afia Jesus ba gera
raunia ala 'ai rara folo li.
'E iko 'ali 'e io lo 'i
lifi'e. 'E mauri lo
malaa ba 'e ilia lo
famoulu. Mora la
mae 'i lifi'e, ma
mora ka

lesia lifi ba 'e
teo teo ai."




'Urifo mola, daro ka la nainali lo faasia
bao fo 'alia mauna. Ma wasua 'ala,
daro babalafe rasua. Ma daro ka
lalao 'ali daro faronoa wale li
galona lia gi.



Ma ala talasi fo, Jesus ka dao
tonadaroa ka sae 'uri'e, "Aroarona ka
io fae 'amoroa." Ma daro ka la
mae 'i so'ela, ma daro ka boururu
fala, ma daro ka dau ko 'i 'aela,
ma daro ka faa aofia.





Ma 'i buri 'ala lo, Jesus ka fatae fala akwala ma na teke wale ala waleli galona lia gi, talasi daulu kae fana 'adaulu. Ma ka balufi daulu sulia iko 'ali daulu fakwalaimoki, ma malatadaulu ka nasi rasua faasia fakwalaimoki nala wale gera lesia lo 'i burila tataenala faasia maenaa li. 'I burila 'e alaa fadaulu, Aofia Jesus ka oli lo fala 'i nali, ma ka gwauru 'i aba aolo ala God ka 'ilitoa failia.



God 'e fatailia kwaimaana ba'ela lia
fala ioli gi sui 'i laola molagali, ka
kwatea mae teke Wela moutae lia,
'ali ioli gera fitoo ala gi, ikoso 'ali
gera mae, gera kae too ala
maurina firi.



Rom 3:23 Ioli gi sui gera abulo ta'a, ma iko ta ioli 'ali io 'alia falafala kae 'auraea God.

Rom 6:23 Sulia abulo ta'ana 'e kwatea maena, wasua ma kwatena 'e God 'e kwate gwaugwau ai lia lo maurina firi 'alia Jesus Christ Aofia gia.

Hebrus 9:27 Ma ioli 'i laola molagali 'e li, gera kae mae ala teke talasi mola, sui bui God kae bi kwaida.

Efesus 2:8,9 God 'e faamauri gia 'alia kwaimanaa lia sulia fitoona gia. 'E iko 'ali faamauri gia 'i fofola galona gia gi 'i talaga. God 'e kwate gwaugwau ala maurina fa'alu faga. Lia fo, 'ato 'ali ta ioli 'ali sae naunau sulia maurina fa'alu lia, sulia God iko 'ali kwatea sulia ta galona gia tauda.



Rom 10:9,10 Ala 'amu soia Jesus 'alia Aofia, ma 'amu ka fakwalaimokia lia God 'e taea faasia maena li, God kae faamauri 'amiu. Ioli 'e fakwalaimoki ala Jesus 'i laola maurinala 'e rada 'i maala God. Ma ioli 'e ili tafanailia Jesus 'e Aofia, God kae faamauria.

John 3:16,17 God 'e fatailia kwaimaana ba'ela lia fala ioli gi sui 'i laola molagali, ka kwatea mae teke Wela moutae lia, 'ali ioli gera fitoo ala gi, ikoso 'ali gera mae, gera kae too ala maurina firi. God iko 'ali kwatea mae Wela lia fala 'i laola molagali 'ali kwaia ioli la molagali, 'e kwatea mae 'ala 'ali ka famaurida.



1 John 5:11-13 Ma alaana 'e God 'e falalamaa Wela lia
'alia 'e 'uri 'e: God 'e kwatea lo maurina firi faga, ma
maurina 'e ka fuli mae faasia Wela lia. Ma ioli 'e io 'ado
failia Wela God li, 'i lia 'e too ala maurina firi. Ma ioli
iko 'ali 'ado failia Wela God li, 'i lia iko 'ali too ala
maurina firi. Lakae gerea 'are 'e famiu ioli fakwalaimoki
ala Wela God gi li, 'ali 'amu ka saiai 'amu too lo
ala maurina firi.



Matthew 26-28; Luke 22-24; John 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Wala NT (lgl) © 2008, Wycliffe Bible Translators, Inc.
All rights reserved.

<https://live.bible.is/bible/LGLWBT/MAT/1>

©2025 Bible for Children, Inc.

www.M1914.org

www.bibleforchildren.org

